



Protokoll

Leidandmed	EAA.3257.1.2170
Kaader	182
Daatum	24.10.1875
Protokoll number	98
Protokoll teema	6. Töö- ja teenistussuhted; 8. Varavastased kuriteod
Märkused	

Kohtumehed			
Eesnimi	Perekonnanimi	Täisnimi	Roll
Hindrik	Torg		Peakohtumees
Peter	Kulp		Abikohtumees
Hindrik	Lipson		Abikohtumees
Johan	Klaosson		Abikohtumees
Jakob	Hanson		Abikohtumees

Sell sammal päiwal tuli ette Perremees **Jaan Sarwa** ja kaibas omma Sullase **Jaan Kutzari** ülle, et se om temmal 16 Wakka Kaero ärrawarrastanu ja selletas sedda Asja niida: "minnewal Näddalin läino **Jaan Sarwa** 2 Korma Kartega warra omningul Liina minnema, **Jaan Sarwa** eddimisse ja **Jaan Kutzar** wiimatse Kormaga; Liina perrale sanu ei läidno **Jaan Sarwa** mitte omma Sullast töise Kormaga; taggasi tollen sanu omma Obbene palja Wankrega **Suitzo** Kortzi man kätte, kea sinna kinni olnud kantetud. Nüüd tulno **Jaan Sarwa** koddo ja sanu omma Sullase käest teada, et se Obbesest ja Kormast tolle perrast mahha jänu, et temma HainaKotti ärrakaotanu, sedda otsma läino ja mitte ennamb järrele ei sanud, pallel Kahjutassumist mõista.

Jaan Kutzari, 16 ajastad wanna, tuli omma Eskostja Issa **Hindrik Kutzariga** ette ja selletas asja niida: "et nimmetud Oesel, konna temma omma Perremehega Piddinud Liina minnema, ja selle tarbis temma töise kaera kormaga minnema sadeti, nimmelt Perremehhe takkan sõitma, om temma jobba eddimeste katte Wersta päl tähhele pandnu, et HainaMärs mahhakukknud om; selle perrast karranu korma pält mahha josknu taggasi ja sanu Hainamärs kätte; nüüd rühknud jälle kormale järgi saada, josknu seni kui **Suitzo** Körtzini ent ei sanu mitte ennamb Perremehhele järgi; pördnu ikkeden taggasi tulles omma Hainamärs sällan; rohkemb temma ei teadwad."

Kui nüüd koggokonnaKohtul teada om, et eggauits Wori **Käiga**, kui temma tähhele pandnu et Seltsimees mähha jäp, tedda jobba kiige ildamb eddimetse Körtzi man järgi odap, weel wähhemb ni kui selle Asja man, Perremees omma poiskest Sullast

mitte ei olle 30 Wersta päl üks kord järgi otnud, siss om nätta, et säl Perremehhe man üts kurri Nau om olnud; päle to kah weel, et keski muu rahwas ei olle temma tühja Obbest **Suitzo** Körtzi man läudno, wait temma essi.

Sai moistetud: **Jaan Kutzar** ei pruki middagi neida Karade est maksta ja **Jaan Sarwa** togu parrembad Tunnistast koss **Jaan Kutzar** neid Kaero pandno om.

Se Moistminne sai \$772 & 773 järrele kulutud.

Hindrik Torg XXX **Joh Klaosson** XXX **Peter Kulp** XXX **Indrik Lipson** XXX **Jakob Hanson** XXX